

ORDINIS IVRIDICI  
IN  
ACADEMIA VITEMBERGENSI  
H. T.  
DE CANVS  
IOANNES GOTTLOB  
WEIDLERVS


I. V. D. SAXONICI IVRIS PROFESSOR  
PVBLICVS ORDINARIVS ET IVRECONSVLTORVM  
ORDINIS ASSESSOR

LECTORIBVS

S. P. D.







praecedentem de *Confusione* et *consolidatione* disputa-  
 tionem, ab ornatissimo Candidato, nuperrime,  
 in scriptis oblatam, perlustranti in mentem mihi  
 uenit opportune alia quaedam species confusionis,  
 quae natura quidem sua ab illa prorsus differt, sed in fo-  
 ris tamen nostris pariter, atque uicinarum prouinciarum,  
 frequenter occurrit, et in Aetis ad Ordinem nostrum  
 missis semel iterumque a me fuit obseruata, confusionem  
 puto iurium, seu, ut clarius loquar, *praeposteram illam*  
*peruersamque iuris patrii cum legibus peregrinis commixtio-*



*nem*, illarumque sinistram ad facta controuersa applicationem. In quo iuris articulo quam turpiter saepe in iudiciis, praesertim inferioribus, erretur, quotidiana docet experientia, ita ut in hoc Augiae stabulo purgando Dicaasteria non nisi maximo cum taedio saepissime, ac serie nunquam fere interrupta, occupentur. *Confundere* igitur iura hoc loco mihi dicuntur omnes ii, qui ordinem iurium, in decidendis fori controuersis obseruandum, uel inuertunt, uel obseruantias legesue germanicas, a genio Romanorum prorsus alienas, e iure Ciuili explicare, modo extendere, modo restringere conantur. Ex qua descriptione per se patet, mihi in praesentiarum sermonem haud esse de singulari illa confusione, cuius mentionem facit Illust. de LEXTER, in *Meditat. ad Pandect. Vol. X. Spec. 646. p. 328.* ubi a superstitione maiorum recedens, ingenue faterur, inter alia, quibus corpus iuris Iustinianaeum laborat, uitia et hoc esse, quod fines iurisprudentiae legislatoriae, consultatoriae et iudicariae passim confundantur, addito uoto, ut tandem aliquando tollatur ista confusio, et finium quasi regundorum iudicium instituat. Licet enim hic iuris Romani naeuus multa imo innumera mala in fora nostra inuexerit, instituti tamen praesentis ratio temporisque penuria, ut pro dignitate hoc argumentum perfe-



persequar, haudquaquam permittunt. Miffa igitur hac, de ifta potius, quam fupra defcripfi, confufione mentem meam breuiter exponam. Scilicet cum Germania noftra, fpeciatimque Saxonia, uariis utatur iuribus, tam patriis, quam peregrinis, magna omnino opus eft circumfpectione, in applicatione illorum ad dirimendas lites, ne fines utriusque iuris temere confundantur, fed necelfe eft, ut iuftus ubique feruetur ordo, cuius fuma capita hac potiffimum regula continentur: In difceptionibus forenfibus refpicendum eft primo ad confuetudines et ftatuta cuiusuis loci, et his deficientibus ad leges prouinciales, tam antiquas, quam recentiores, deinde ad iura imperii, eaque fiue fcripta fiue non fcripta, ac denique in fubfidium ad iura illa extranea, Romanum, Canonicum et Longobardicum. Quae doctrina licet tam clara atque perfpicua fit, ut nulla prorfus explicatione indigere uideatur; in praxi tamen, nescio quo fato, uel parum, uel nihil curatur. Admittunt etiam hunc ordinem, imo praefcribunt illum, tam aduocatis, quam iudicibus, maximi nominis Icti, inter eosque illuftris olim BERGERVS in *Oecon. Iur. Lib. I. Tit. I. Thef. XXVIII*. Verum enim uero, fi ipfa Germaniae fora fpectes, ordine prorfus inuerfo et iudices et patronos caufarum faepe



numero procedere animaduertes. Nam placita Romanorum Germanis, extranea patriis, antiqua nouis, obsoleta utilibus, sacra profanis, et, ut paucis multa complectar, summa imis miscent, quo se uertant, et utrum ex iure subsidario, an ex domestico, decisionem rei controuersae petere debeant, nescientes. Quam late igitur pateat inepta haec iurium mixtura, et quot species illius dentur, in propatulo est, ac quilibet rerum forensium gnarus, uel me tacente, perspiciet. Quapropter exemplis atque responsis Ordinis nostri rem indubitata et cuius obuiam illustrare, superuacaneum esse arbitror. In originem potius mali huius inueterati ut inquiram, mearum esse partium duco, quae quidem non ex longinquo petenda mihi uidetur. Nam, nisi me omnia fallunt, ex triplici potissimum fonte manauit infelix illa et absorta iuris patrii et peregrini commixtio, partim ex nimia atque superstitiosa iuris Romani ueneratione, et neglectu Germanorum Saxonumque legum ac consuetudinum, partim ex errore illo populari, statuta ac iura prouincialia ita declaranda et restringenda esse, ne nimis recedant a iure communi subsidario, partim ex praconcepta illa opinione, quod antiquum ius Saxonicum hodie eatenus saltem valeat, quatenus usus eius et obseruan-



tia ab allegante probari queat. Ne autem temere uel partium studio et iuris patrii extollendi causa haec proferre uidear, non meis, sed maximi nominis Ictorum, uerbis errores modo dictos castigabo. Ita enim Meuius ad Ius Lubecense ratiocinatur: Est aberrandi causa, quod iudices defectum patrii iuris explorare uolunt per iuris Romani leges, non intelligentes, harum rationes ab illius regulis et rationibus multum distare, ideo inepte applicari; neque magis ex istis nostra explicare, quam ex pristinis Romanorum institutis immutatam reipublicae formam regere et definire uelle. Cum quo consentit CARPZOVIVS in *Pract. Crim. Part. III. Quaest. CIX.* dicens: Qui iurisdictionis modernae notionem, iuris Romani peritia, Bartolue et sequacium traditionibus fretus, euoluere tentauerit, nec statum reipublicae eiusque iura fundamentalia politico librauerit iudicio, is aedepol ab asino lanam quaeret, operamque omnem perdet ac oleum, cum multum interfit inter id, quod fuit, et id, quod nunc est. His adstipulatur BEYERVS in *Delin. Iuris Ciu. praef.* Hanc densam satis ignorantiae segetem, hunc probrosum omnibus Germanis neglectum peperit communis opinio, Leges Saxonicas et Alemannicas nullius usus esse, nisi quousque earum receptio



ptio hodierna probari possit. Tandem agmen claudat testimonium omni exceptione maius, quod in elegantissima illa disputatione, *de Superstitione iuridica, Cap. III. §. VII.* legitur: Quid autem in praxi intersit, leges ex propriis declarare, an alienis principiis, tunc demum plenius intelligitur, cum eiusmodi casus occurrunt, ubi alter ex iure Romano, alter ex rationibus domesticis, obiectum controuersum interpretari conatur, etc. Et paulo post: Vulgaris opinio, quod iura Saxonica ex iure ciuili sint declaranda, aut plane restringenda, nullo fundamento nitiur, nisi ueteri illa superstitione, qua multi ius Romanum uelut oraculum uenerantur, nec latum ab eo unguem discedunt. *Stat iuri Saxonico sua auctoritas prae iure ciuili in locis, ubi antiquitus illud obtinuit, nec iuris ciuilis ibi alia, quam subsidiaria erit auctoritas, nisi probatum, explosas esse Saxonum consuetudines, et ius ciuile ibi exclusiue esse receptum.*

Verum enim uero longius nunc excurrere haud licet, adeoque in rem praesentem, cuius causa hanc scriptionem suscepi, uenio. Nempe, officii causa, NOBILISSIMI ORNATISSIMIQUE CANDIDATI NOSTRI uita, more et maioribus accepto, repraesentanda est, cuius curriculum uerbis Ipsius narrabo:

*Ego,*





**E**go, CAROLVS FRIDERICVS TRIER, *natus sum*  
*Dresdae III. Iduum Augusti A. P. S. c1315CCXXVI,*  
*patre PHILIPPO FRIDERICO TRIER, Potentissimo Polo-*  
*niarum Regi et Electori Saxoni a Consiliis aulicis et me-*  
*tallicis, matre uero IOANNA FRIDERICA, filia GEOR-*  
*GII GOTTLIEB RITTERI, in Aula Serenissimi Polonia-*  
*rum Regis Vice-Cancellarii, qui, cum, tertio huius seculi de-*  
*cennio, apud Frisios orientales, Commissarii Caesarei partes*  
*obiret, ibidem defunctus est. Aulus paternus fuit IOANNES*  
*FRIDERICVS TRIER, etiam Consiliarii Aulici dignitate et*  
*munere conspiciuus. Glorior ceterum, me, cognationis*  
*iure, ad gentem CARPZOVIAM pertinere, siquidem inter*  
*proauos maternos numero SAMVELEM BENEDICTVM*  
*CARPZOVIVM, in Aula Regis Poloniae summum sa-*  
*crorum Antistitem, et Senatus ecclesiastici Assessorem.*  
*Optimi parentes, quod gratissima mente agnosco, statim*  
*a teneris annis me studiis humanioribus, linguarum etiam*  
*uariarum aliqua scientia, a domesticis praeceptoribus*  
*imbui, sedulo curarunt. Hac institutione usque ad an-*  
*num aetatis decimum octauum usus, iussu Parentum, mei*  
*semper amantissimorum, in Academiam Lipsiensem, adiun-*  
*cto mihi Ephoro, SCHEIDTIO, me contuli, ubi fere per*  
(B)quadrien-



*quadriennium commoratus, Praestantissimos Viros, scientiarum interpretes, audiui, nempe in Philosophicis, KAESTNERVM, BELIVM et WERNSDORFFIVM, in Mathematicis HEINSIVM priuatim, priuatissime uero STOYVM, et in Algebraicis OECHLITZIVM. Iurium scientiam mihi tradiderunt IOANNES IACOBVS et GOTHOFREDVS, MASCOVII, GOTHOFREDVS LVDOVICVS MENCKENIVS, SIEGELIVS, ZOLLERS et IOACHIMVS. Nec, citra ingrati notam, praeterire possum, me, per hoc quadriennium, in hospitio et conuictu Illustris Domini FRIDERICI OTTONIS MENCKENII egisse, eiusdemque ex colloquiis, quibus quotidie interesse dabatur, magnum fructum cepisse, cuius quidem rei, multa animi cum oblectatione, recordor. Tum maxime hic memorandus mihi uenit Honoratissimus Patruus, CAROLVS FRIDERICVS TRIER, Serenissimi Regis Poloniae Consiliarius Aulicus, et Amplissimi Lipsiensium Senatus Proconsul, cuius in me collata beneficentia, amorisque uere paterni documenta, cum aestimo, non possum non, quin animum gratissimam publice profitear. Finito deinceps academico stadio, operam nauauim, ut rem metallicam, etiam qua artem metalla igne liquefaciendi et purgandi comprehendit, in ipsis, qui metallifodinis celebres sunt,*



sunt, locis, non in Saxonia tantum, sed etiam in exteris prouinciis, addiscerem. Quem in finem iter, per Germaniam, in Belgii foederati prouincias, in Angliam et Galham, suscepi. Primum quidem Ultraiecti, Amstelodami-Lugduni et Roterodami, commoratus, quicquid ibi visu dignum, uarii generis officinas, machinas, rei nauticae apparatus, cetera, uidi, eademque uidisse, quod tamen absque iactantia dictum sit, gloriior. Ad Anglos delatus, Londini, praeter reliqua, quae ab exteris lustrari solent, praesertim Societatis Scientiarum apparatus, nec non Celeberrimi Equitis, IOANNIS SLOANII, qui nuper uita concessit, rerum naturalium et artefactarum collectionem, rerum tum numero, tum ordine, tum pretio, maxime memorabilem, ipso quidem Equite non modo monstratorem, sed etiam interpretem, se praebente, attente perlustraui. Debinc, salutatis Oxoniensibus, ibidemque uisis, Theatro Scheldoniano, Bibliotheca Bodleiana, aliisque rebus memorabilibus, in Cornwalliae prouinciam iter feci, et metallifodinas stanni et cupri, in regionibus urbium, Volemuti, Redruth et Truro, nec non fodinas lithanthracum Bristolii, uidi, nec, saltem uidisse, sat duxi, sed aliquoties per puteos descendi, ut uenarum et fissurarum indolem accuratius explorarem. Pro-



fectus deinde in Galliam, inter Parisios, per aliquod temporis spatium, uersatus, Physicam experimentalem, primo quidem a Celeberrimo Domino PAGNY, Collegii Mazarinaei Professore, tum etiam ab Experientissimo NOLLETO, mihi tradi curauit. Neque praetermittere possum, me Illustris Equitis de REAUMVR, quem iteratis uicibus adire licebat, collectiones, ex omni rerum naturalium genere, uidisse. Finito tandem, per exoticas prouincias, itinere, per Hercyniam syluam, lustratis argenti, cupri et plumbi, metallifodinis, quae in Brunswicensium terris florent, mense Maio huius anni, ad patrios lares, quod Dei immortalis beneficio acceptum fero, saluus redii. Primum mihi, post reditum, amantissimi Patris suasu, negotium sumsi, ut Doctoris utriusque iuris insignia et honores ambirem. Hac nimirum mente, celeberrimam hanc Academiam nuper adii, in qua, dici uix potest, quam beneuolos omnium in me animos expertus sim. Praesertim laudo singularem humanitatem Consultiissimi CHLADENII, Professoris Iuris Feudalis Celeberrimi, qui me, aduenam, non modo in hospitium commodissimum recepit, sed etiam recepto tot amoris documenta dedit, ut eorundem recollectionem mente nunquam sim dimissurus. Nec silentio praetereo, admodum beneuolum se mihi praebuisse



*praeuisse Excellentissimum BOSIVM, Professore Pby-  
sices Experientissimum, qui, uti inter commensales suos locum  
ita simul amplissimam occasionem, mihi dedit, ex doctissimis  
eius colloquiis uberem fructum capiendi. Maxime uero ha-  
beo, ut laudibus efferam insignem beneuolentiam ILLVSTRIS  
ICTORVM ORDINIS, qui, cum insignia Doctoralia mihi  
expeterem, petitis mox annuit, meque ad exhibenda, quae  
a Iurium Candidatis praestari solent, specimina gratiose ad-  
misit. Faxit Deus immortalis, cuius Numen mihi semper  
propitium expertus sum, ut idem hoc negotium, quod, bono  
cum omine, suscepi, felicem etiam exitum sortiatur.*

Quam laudabiliter itaque uixerit CANDIDATVS  
ORNATISSIMVS NOBILISSIMVSQVE, et quanta  
mentis religione domestica imitatus sit exempla, uestigia-  
que inprimis paterna prefferit, ex ipsa eius relatione sa-  
tis apparet, adeoque exemplo suo demonstrat, uirtutem  
maiorum uiuere in posteris, atque igniculis quasi inflam-  
mare animos, ut, aemulandi studio incensi, ad paria di-  
gnitatis fastigia connitantur. Qua mente haud ita pri-  
dem in hanc delatus Academiam, ab ORDINE NOSTRO  
petiit, ut, praeuiis scientiae legalis speciminibus, summis



in iure honoribus, ritu formulaque solenni, ornaretur. Annuit uotis eius honestissimis ORDO, illumque ad tentamen pariter ac ad examen rigorosum, ut uocant, admisit. In utroque colloquio VIR OPTIMVS stetit egregie, et non impleuit solum spem nostram, sed longe superauit, ad quaestiones propositas promte ac erudite respondendo, nec non textus ex iure Ciuili atque Canonico tam scite ac eleganter explicando, ut spem nobis fecerit certissimam, fore, ut ultimum, quod aditum ipsi ad summos honores pandit, specimen, consimili laude sit editurus. Restat nimirum, ut, more institutoque maiorum, in publicum prodeat, et futuro die Veneris, Praefide *Viro Illustri atque Excellentissimo*, GEBHARDO CHRISTIANO BASTINELLERO, *Potentissimi Poloniarum Regis et Principis Electoris Saxoniae Consiliario Aulico, Codicis Professore Publico, Curiae Prouincialis et Senatus Ecclesiastici, itemque Scabinatus et Facultatis Iuridicae Assessore longe meritissimo, Patrono et Collega nostro multis nominibus colendo*, Disputationem inauguralem, de *Confusione*, in Auditorii Maioris cathedra defendat. Quam Panegyryn ut RECTOR ACADEMIAE MAGNIFICVS, ILLVSTRISSIMI COMITES, PATRES CONSCRIPTI OMNIVM



OMNIVMQVE ORDINVM DOCTORES ET ASSESSORES  
AMPLISSIMI, HOSPITES, CIVES ITEM GENERO-  
SISSIMI NOBILISSIMIQVE, honorifica et optatissima  
praesentia sua condecorare, actuique solenni lucem foe-  
nerari haud dedignentur, ORDO NOSTER, me interprete,  
omni, qua par est, obseruantia rogat et obrestatur, si-  
mulque pollicetur, se nihil unquam praetermissurum eo-  
rum, quae ad officia mutuo declaranda pertinere uide-  
buntur. P.P. sub sigillo Facultatis Iuridicae, Dominica  
XII. post Trinitatis, anno reparaetae salutis  
MD CCL.

VITEMBERGAE  
STANNO SCHLOMACHIANO









